



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 60. redovnoj sjednici, održanoj 11. marta 2020. godine, usvaja

ZAKON

O IZMJENAMA I DOPUNAMA ZAKONA O UGOSTITELJSKOJ DJELATNOSTI BRČKO DISTRIKTA BOSNE I HERCEGOVINE

Član 1

U Zakonu o ugostiteljskoj djelatnosti Brčko distrikta BiH (Službeni glasnik Brčko distrikta Bosne i Hercegovine, brojevi: 31/05 i 19/07) u članu 4 stavu 3 riječi: „Odjeljenju za javnu sigurnost“ zamjenjuju se riječima: „Odjeljenju za privredni razvoj, sport i kulturu“.

U članu 4 stav 5 se briše.

Dosadašnji stav 6 postaje stav 5.

Član 2

Član 13 mijenja se i glasi:

- „(1) Za obavljanje ugostiteljske djelatnosti i pružanje ugostiteljskih usluga moraju biti ispunjeni minimalni tehnički uslovi u pogledu prostora, uređaja i opreme ugostiteljskih objekata, kao i drugi uslovi propisani ovim zakonom i propisima donesenim na osnovu ovog zakona (u daljnjem tekstu: minimalni uslovi).
- (2) Pored uslova iz stava 1 ovog člana moraju biti ispunjeni zdravstveni uslovi za rad u ugostiteljstvu u skladu s posebnim propisima.
- (3) Prilikom registracije djelatnosti kod registarskog suda ugostitelj je dužan podnijeti potpisanu i ovjerenu Izjavu o ispunjenosti uslova iz stavova 1 i 2 ovog člana (u daljnjem tekstu: Izjava).
- (4) Izjava se može podnijeti u elektronskom obliku, u skladu s propisima o elektronskom dokumentu i propisima o elektronskom potpisu.
- (5) Uslovi iz stava 1 ovog člana, izgled, sadržaj i način dostave Izjave, utvrđuju se pravilnikom koji donosi šef nadležnog odjeljenja.
- ”

Član 3

Član 20 mijenja se i glasi:

- „(1) Ugostitelj može da otpočne obavljanje djelatnosti, da mijenja djelatnost i uslove obavljanja djelatnosti u ugostiteljskom objektu, nakon registracije djelatnosti kod registarskog suda.
- (2) Izuzetno od stava 1 ovog člana, ugostitelj koji je registrovan na području drugog nadležnog registarskog suda, a čije se sjedište podružnice nalazi na području Brčko distrikta Bosne i Hercegovine, može da otpočne obavljanje djelatnosti nakon što podnese Izjavu nadležnom odjeljenju.”

Član 4

Član 23 mijenja se i glasi:

Ispunjenost uslova iz člana 13 stavova 1 i 2 ovog zakona utvrđuju nadležne inspekcije u redovnom inspekcijskom pregledu.

Član 5

Član 24 mijenja se i glasi:

„Izjava se upisuje u registar o minimalnim uslovima, koji vodi nadležno odjeljenje odvojeno za smještajne objekte, za ugostiteljske objekte i za catering objekte.“

Član 6

U članu 27 riječi „minimalnih uslova i“ se brišu.

Član 7

U članu 28 stavovi 3 i 4 se brišu.

Član 8

Član 29 mijenja se i glasi:

„(1) Ako se utvrdi da objekat više ne ispunjava uslove za utvrđenu kategoriju, rješenjem će se utvrditi nova kategorija objekta.

(2) U slučaju iz stava 1 ovog člana troškove postupka snosi ugostitelj.

Član 9

U članu 31 riječi: „članova 23 i“ zamjenjuju se riječju: „člana“.

Član 10

U članu 32 stavu 1 riječi: „člana 23 stava 2 i“ brišu se.

Član 11

U članu 36 stavu 3 iza riječi: „ispunjeni“ brišu se riječi: „minimalni uslovi i“. U stavu 4 iza riječi: „odredbe“ dodaju se riječi: „člana 13 i“.

Član 12

U članu 40 stavu 2 tačka 5 mijenja se i glasi:

„5. da je podnio Izjavu i da je kategorizovan u skladu sa Zakonom, ako je za objekat propisana obaveza kategorizacije“.

Član 13

U članu 48 tačka 2 mijenja se i glasi:

„2. pravno ili fizičko lice obavlja ugostiteljsku djelatnost ili pruža ugostiteljske usluge, a da nije registrovalo djelatnost kod registarskog suda“.

Član 14

U članu 53 stavu 1 dosadašnja tačka 5 mijenja se i glasi:

„5. ugostitelj započne obavljati ugostiteljsku djelatnost u ugostiteljskom objektu prije nego što izvrši registraciju djelatnosti kod registarskog suda (član 20 stav 1), odnosno obavlja djelatnost bez prethodnog podnošenja Izjave (član 20 stav 2)“.

Član 15

U članu 57 stavu 1 tačka 3 riječi: „minimalne uslove i“ se brišu.

Član 16

U članu 62 stavu 1 tački 3 riječi: „minimalnih uslova i“ se brišu.

Član 17

U članu 64 iza stava 1 dodaje se novi stav 2 koji glasi:

„(2) Pravilnik iz člana 13 stava 5 ovog zakona šef nadležnog odjeljenja će donijeti u roku od 30 dana od dana stupanja na snagu ovog zakona.“

Član 18

Postupci registracije, mijenjanja i uslova obavljanja djelatnosti, započeti prije stupanja na snagu ovog zakona, završit će se prema odredbama Zakona o ugostiteljskoj djelatnosti Brčko distrikta BiH (Službeni glasnik Brčko distrikta BiH, brojevi: 31/05 i 19/07).

Član 19

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine, a počinje se primjenjivati od dana početka primjene pravilnika iz člana 13 stava 5 ovog zakona, **a početak će se primjenjivati od 1. 1. 2021. godine.**

Broj: 01-02-816/20
Brčko, 11. 3. 2020. godine

**PREDSJEDNIK
SKUPŠTINE BRČKO DISTRIKTA BIH
Esed Kadrić**